



Decisiones Sacramentales, Theologicæ, Canonicae, & Legales

In Quibus Tota materia Sacramentorum, Theologiæ Moralis, Juris Canonici, & Quæstiones plurimæ Juris Civilis explicantur, dilucidantur, & traduntur, Eruditionibus, Historiis, & Exemplis adornatæ ; Opus Episcopis, Vicariis, Parochis, Confessariis, aliisque Studiosis utile, ac jucundum In Libris novem ...

Erotemata Ecclesiastica

Chiericato, Giovanni Maria

Augustæ Vindelicorum, 1730

Cap. XXX. De Sacrilegio per effusionem seminis humani.

[urn:nbn:de:hbz:466:1-94604](https://nbn-resolving.org/urn:nbn:de:hbz:466:1-94604)

44 Erot. Eccles. Cap. XXX. De Sacril. in loco Sacro &c.

tibus in Ecclesia. Loca subter Pavimentum Ecclesie, in quo non sepeliuntur fideles, vel Altaria non sunt; ut subter Ecclesiam Monasterii S. Mariæ de Pratalea Dicecesis Paduanæ. Sacristia, nisi Missa in ea dicatur, vel detur sepultura fidelibus, ut est illa S. Augustini de Padua. Campanile. Cellar, aut Camera propè Ecclesiam. Vestibula, & Ostia ipsa Ecclesiarum. Fenestræ & Scaphæ, id est, Nichii exteriores. Tribuna, seu cellula ad audiendam Missam. Locus, in quo sunt Armaria cum Sacris Reliquiis, in Vasculis, Thecis, & Capsulis. Altaria portatilia, Calices, & Patinæ. Hæc omnia sunt incapacia Pollutionis, & si in eis effusio Sanguinis, vel Seminis humani sequatur, non est opus, ut Ecclesia reconcilietur. Passerin. per plura capita sigillatim de omnibus disputans d. disp. 2.

42. *Quer.* An Cæmeteria sint capacia Pollutionis? *Resp.* Affirmativè. Et nomine Cæmeterii intelligitur omnis Locus Sacer ab Episcopo benedictus, & deputatus sepulture fidelium, Ricciull. de Jure Pers. lib. 4. cap. 60. num. 20. Passerin. dict. disp. 2. cap. 46. ubi num. 4. notat, nihil interesse, si vè Cæmeteria sint Ecclesie contigua, si vè sint ab Ecclesia separata. Et num. 5. advertit, Cæmeteria, atque Ecclesias quoad Consecrationem, vel benedictionem, Sacrilegium, Immunitatem, Interdictum, Pollutionem, & Reconciliationem pari passu ambulare; Eo excepto, quod polluta Ecclesia censetur pollutum etiam Cæmeterium, sed non è contra.

43. *Quer.* An pollutio Ecclesie afficiat etiam Cæmeterium? *Resp.* Affirmativè, quando Cæmeterium est continuum, vel contiguum Ecclesie. Quod si sit alterum Cæmeterium contiguum primo Cæmeterio; primum remanet pollutum, tanquam Ecclesie contiguum, non autem hoc secundum. Passerin. d. disp. 2. cap. 47. & cap. 48.

44. *Quer.* Si quis vulneraretur itans in fenestra exteriori Ecclesie supra Cæmeterium contiguum, an polluat Ecclesia, vel Cæmeterium? *Resp.* Pollui Cæmeterium. Barbosa, in votis decisivis lib. 3. vot. 117. num. 43. & 44. Passerin. d. disp. 2. cap. 50. num. 10.

CAPUT XXX.

De Sacrilegio in loco Sacro per Seminis humani effusionem.

1. *Quer.* Quomodo Ecclesia polluat per effusionem Seminis? *Resp.* Eam pollui per effusionem peccaminosam seminis humani, si vè maris tantum, si vè femine tantum, si vè utriusque, & si vè homo sit fidelis, si vè sit infidelis. Hinc per semen brutorum, quamvis homine cooperante, non pollui, docet Passerin. de Pollut. Eccles. disp. 7. cap. 1. Hoc tamen semper supposito, quod talis effusio publica sit, & non solum occulta. Sanchez. de Matrim. lib. 9. disp. 15. n. 11. Passerin. disp. 3. cap. 12.

2. *Quer.* An Ecclesia polluat per Menstruorum femine effusionem? *Resp.* Nega-

tivè, quia purgamenta mulierum, & alii humores ab eis effluentes non sunt verum semen. Barbosa, alleg. 28. num. 43. Passerin. disp. 7. cap. 2.

3. *Quer.* An polluat Ecclesia per effusio- nem seminis factam in fomno, vel ab ebrio? *Resp.* Negativè, quia semper debet esse voluntaria, & peccaminosa cum mortali peccato. DD. apud Passerin. d. disp. 7. cap. 3. & cap. 4. ubi subdit, quod si effusio ipsa seminis non sit peccaminosa, sed postea talis fiat ob complacentiam, & delectationem, nihilominus Ecclesiam non esse pollutam.

4. *Quer.* Quid Juris, si seminis effusio non sit peccaminosa in effundente, puta quia dormiat, vel sit amens, vel coactus; sed sit peccaminosa in altero, eam tactibus, & con- fricatione procurante? *Resp.* In hoc casu Ecclesiam non pollui, quia effusio seminis debet esse peccaminosa in ipso effundente, & sic in eo omnino voluntaria. Passerin. d. disp. 7. cap. 5. & cap. 6. ubi id extendit, etiam si ipse effundens dedisset causam peccaminosa effusioni seminis, quam postea retrahasset per penitentiam, ita, ut effusio ipsa non esset peccaminosa, nam neque in hoc casu Ecclesia pollueretur.

5. *Quer.* Cum pollutio hominis extra co- pulam carnalem soleat esse peccaminosa in tribus casibus. Primò, si deliberatè deside- retur ob delectationem veneream. Secun- dò, si deliberatè procuraretur tactibus, vel aspectibus turpibus; & Tertio, si non remo- veatur causa operativa pollutionis, ut est po- tatio, saltatio, &c. An in his tribus casibus semine effuente in Ecclesia, ipsa Ecclesia polluat? *Resp.* Quoad primum casum non pollui, quia pollutio Ecclesie non re- sultat ex effusione seminis proveniente à so- la causa interna. In secundo & tertio casu pollui; quia causa efficiens effusionis se- minis est externa, physica, & positiva. Quod si causa esset tantum negativa, & con- sisteret in omissione remedium pro impe- dienda seminis effusione, non pollueretur Ecclesia, ut subtiliter disputat Passerin. d. disp. 7. cap. 8. 9. & 10.

6. *Quer.* An sit necesse ad Ecclesie pollu- tionem, ut semen humanum cadat in ter- ram, & solum Ecclesie attingat? *Resp.* Ne- gativè, quia pollutio Ecclesie provenit non ex contactu humani seminis, sed ex turpi, & injuriosa effusione, ideòque, licet semen recipiatur vel in vase femineo, vel in ve- ste, vel in sudariolo, semper Ecclesia pol- luitur; supposita publicitate turpis hujus ef- fusionis, vel ex reorum confessione, vel ex te- stimonio eorum, qui aderant. Jordan. lib. 5. tit. 12. num. 110. & Passerin. d. disp. 7. cap. 11. ubi confutat Graffium Decis. Aur. part. 1. lib. 2. cap. 48. num. 26. contrarium scribentem.

7. *Quer.* Quanta seminis humani copia requiratur ad polluemdam Ecclesiam? *Resp.* Quæcunque quantitas seminis sufficit ad eam polluemdam, dummodò sit effusio se- minis, non autem simplex distillatio, vel alius humor, aut fluxus, & gonorrhæa; &c. in eo solet discerni, quod semen effunditur cum carnis voluptate, & genitalis membra

Erot. Eccles. Cap. XXXI. De Sacril. in loco Sacro &c. 45

erectione, ac pruritu; distillatio verò, siue alius humor fluere solet sine commotione membri, & tanta delectatione venerea. Igitur ex distillatione Ecclesia non polluitur, ex seminis effusione polluitur, Passerin. *disp. 7. cap. 12. & 13. Item 14. & 15.* ubi eam non pollui censet, neque ex effusione sanguinis per genitale loco seminis; neque ex effusione seminis corrupti, nisi concomitanter flueret etiam semen verum: quod, ut dictum est, cognosceretur, si flueret cum erectione membri, & nimia delectatione venerea.

8. *Quer.* An ex effusione seminis per Spadones facta polluat Ecclesia? *Resp.* Negativè, quia hi non valent verum semen effundere, sed tantummodò talem qualem humorem, seu distillationem; & idem esse in pueris, & puellis non viripotentibus. Passerin. *d. disp. 7. cap. 16. ubi num. 5. & 6.* docet, non ita esse de senibus, quando adhuc apti sunt verum semen emittere.

9. *Quer.* An copula carnalis inter maritum, & uxorem facta in Ecclesia sit semper pollutiva ipsius Ecclesiae? *Resp.* Quòd si fiat ob necessitatem, & periculum incontinentiae, eò, quia conjuges non possunt ex Ecclesia discedere, Ecclesia eo casu non polluitur. At si sine necessitate fiat, Ecclesia polluitur, ut tenet Passerin. *d. disp. 7. cap. 17.* ubi pro hac opinione recenset centum, & tres Doctores; adversus quos allegat alios in numero duodecim, qui volunt, Ecclesiam non pollui per copulam conjugalem etiam sine necessitate in Ecclesia habitam, ea ratione, quia pollutio à Canonibus sit fundata in copula peccaminosa. Cæterum communior est opinio contraria; & non pollutio Ecclesiae reputatur, quando copula conjugum fit ex necessitate. Passerin. *d. disp. 7. cap. 18.*

10. *Quer.* An Ecclesia polluat per effusionem sanguinis, vel seminis, si effundentes nesciant, has actiones esse pollutivas Ecclesiae? *Resp.* Affirmativè, quia pollutio Ecclesiae pendet ab his actionibus turpibus, & injuriis, non autem ab advertentia delinquentium. Passerin. *disp. 3. cap. 8.*

11. *Quer.* An effusio sanguinis, vel seminis humani facta in Ecclesia ab eo, qui ignorabat, illum esse locum Sacrum, causet pollutionem? *Resp.* Affirmativè. Neque obstat, quòd, qui percutit Petrum Clecum, nesciens esse Clericum, non incurrat excommunicationem; quia ratio est dissimilis in pollutione; quæ fundata est in morali macula, quam assumit Ecclesia ob actiones illas turpes quoquo modo commissas in ea. Passerin. *d. disp. 3. cap. 9.* ubi tamen nullum citat auctorem pro hac opinione.

CAPUT XXXI.

De Sacrilegio in loco Sacro per Sepulchram excommunicati, vel infidelis.

1. *Quer.* Quomodo polluat Ecclesia per sepulchram excommunicati, vel in-

fidelis? *Resp.* Eam pollui, si excommunicatus, vel infidelis in ea sepeliatur, id est, ejus cadaver imponatur in Tumba, seu in Sepulchro, vel fovea intus Ecclesiam. Passerin. *disp. 8. cap. 1. 2. & 3.* per Tex. in *cap. Consulisti. De Consecrat. Eccles. can. Ecclesiast. am 1. & 2. de Conf. dist. 1. cap. Is qui, de Sens. excommun. in 6. cap. fin. de Conf. Eccles. vel Altar. cap. Ulic. eodem in 6. cap. Ad hac. de Privil.*

2. *Quer.* An polluat Ecclesia, si ibi corpus excommunicati, vel infidelis tantum in deposito ad tempus servetur? *Resp.* Negativè. Passerin. *d. disp. 8. cap. 3.* Sed internum non esset celebrandum in illa.

3. *Quer.* Quid Juris, si non totum corpus sepeliatur, sed tantum una pars, vel cineres? *Resp.* Per cineres, & caput Ecclesiam pollui, non autem per alia membra; nec valet argumentum à Sanctis Reliquiis, circa quas, ubi est Crus, vel Brachium fit officium duplex, quia illa est materia favorabilis, hæc est odiosa. Passerin. *d. disp. 8. cap. 4.*

4. *Quer.* An polluat Ecclesia per sepulchram excommunicati minori excommunicatione? *Resp.* Negativè, quia debet esse excommunicati majori excommunicatione; & specialiter, ac nominatim denunciati; nisi fortè esset notorius Clerici percussor; quia hæc duo tantum genera excommunicatorum polluant Ecclesiam, si eorum corpora in ea sepeliantur. Passerin. pluribus DD. citatis *disp. 8. cap. 5. 6. 7. & 8.* ubi sentire videtur, quòd etiam ad faciendum aliquem notorium percussorem Clerici esse necessariam Judicis sententiam, quia non sufficit, quòd notoriè percussisset, sed quòd notoriè injustè percussisset.

5. *Quer.* An polluat Ecclesia, si erat quidem alibi denunciatus excommunicatus, vel notorius Clerici percussor, non autem in loco, ubi sepelietur? *Resp.* Non pollui. Passerin. *d. disp. 8. cap. 9.*

6. *Quer.* An censenda sit Ecclesia polluta, si in ea sepeliatur nominatim interdictus? *Resp.* Negativè, quia, etsi corpus Interdicti debeat exhumari. *cap. Is cui, de Sens. excommunicat. in 6.* nihilominus Ecclesia non polluitur. Passerin. *d. disp. 8. cap. 10.* Quia Jura in poenalibus non extenduntur.

7. *Quer.* Quid Juris, si quis denunciatur excommunicatus post mortem, & postquam cadaver erat in Ecclesia sepultum? *Resp.* Esse statim, & absque mora exhumandum, alias Ecclesia contrahit pollutionem. Passerin. *d. disp. 8. cap. 11. num. 5.* Hinc Marcus Antonius de Dominis Archiepiscopus Spalaten. cum post mortem fuerit sententiatu hæreticus relapsus Romæ, ejus corpus existens in Ecclesia Sanctorum Apostolorum fuit inde extractum, & per manum Carnificis combustum Anno 1624. ut notat Illustris. Baptaglinus in Annalibus Sacerdotii, & Imperii, d. Anno 1624. num. 11. tanquam excommunicatum.

8. *Quer.* An, si sepeliantur in Ecclesia locustæ prins excommunicatæ, Ecclesia polluat? *Resp.* Negativè, quia solus homo chri-